

Matumuuna Inatsisartut Suleriaasianni § 33 naapertorlugu aalajangiiffisassatut siunnersut manna saqqummiunneqarpoq:

Immikkoortoq 1-imi allassimasutut, immikkoortoq 2-mi piffissamut pilersaarut allassimasoq naapertorlugu aammalu immikkoortoq 3-mi aningaaaleeriaasissat allassimasut ataqtigiiqillugit mittarfinnik pilersaarusiornissamut sanaartornissamullu Naalakkersuisut peqquneqarnissaannik Inatsisartut aalajangiiffisassaattut siunnersut

(Ineqarnermut, Sanaartornermut Attaveqaatigiinnermullu Naalakkersuisoq, Aningaasaqarnermut Aatsitassanullu Naalakkersuisoq, Inuussutissarsiornermut, Suliffeqarnermut, Niuernermt Nunanullu Allanut Naalakkersuisoq)

Tunuliaqutaq

Naalakkersuisut kissaatigaat attaveqaatigiinnikkut tutsuiginartumik, pissutsinut naleqquttumik ataqtigiiqillugit, ullumikkornit nunatsinnik ataqtigiiqillugit, aammalu ineriarnermut, siunissami nunarput tamakkerlugu atugarissaarnissamut tapertaalluartussamik pilersitsinissaq. Naalakkersuisut kissaatigaat attaveqaatigiinneq annertusarneqarluni ineriarortinnejassasoq, taamaaliornikkut innuttaasut angalanissamut periarfissaat pitsaanerulersinneqassasut, aammalu inuussutissarsiorneq – pingaartumillu takornariaqarneq – tapertaalluarfigineqarsinnaaqquillugit.

Attaveqaatigiinnerup ataqtigiiqillugit sapanngatut arlalittut, ujalussiamut nuineqarsimasutut assersuunneqarsinnaavoq. Pingaaruteqarpoq attaveqaatigiinnerup ataqtigiiqillugit, aammalu atuuffimminut suliassaminulluunniit naleqqussarneqassasaa. Tamanna pinngippat akimmiffinnik pissutsinillu naapertuitinngitsunik pilersoqarsinnaavoq. Taamatuttaaq pingaaruteqarpoq attaveqaatigiinneq imatut aaqqissuussaassasoq ilaasut nassiussallu sapinngisamik amerlanersaasa apuuffissaminnut toqqaannartumik assartorneqarsinnaanissaat, akunniffissat aqqutigeqqaarnagit.

Taamatuttaaq pingaaruteqarpoq attaveqaatigiinnerup pissutsinut naleqquttuunissa, taamaalillunilu nassiussanut ilaasunullu timmisartut nutaaliaasut sullisisinnaanissaannut tapertaasinnaanissalluni. Pingaartumik attaveqaatigiinnerup teknikkimut tunngasortai mittarfinni ataasiakkaani mittarfiup miffigineqarsinnaaneranut piffissamillu equisinnanermut isumalerujussuuvoq. Mittarfik naatsoq teknikkikut atortorissaartoq pisut ilaanni miffigissallugu pitsaasuusinnaavoq. Assersuutigalugu mikkiartornermut atortut eqqarsaatigalugit soorlu ILS (atortut atorlugit mittarneq), sumiissusersiut (localizer) imaluunniit Airbus-ip Quovadis-ia atortullu assakaasullit, soorlu sanigutit, sioqqanik kissartunik siaruarterutit aputajaatillu allat matumani eqqarsaatigineqarput. Tassalu mittarfiup miffigineqarsinnaaneranut pisinnaasaanullu aammalu piffissamik equisinnanermut mittarfiup takissusia kisimi aalajangiisuusangilaq, kisiannili aamma teknikkimut atortut, mittarfimmut timmisartunullu tikissinnaasunut attuumassutilit annertumik apeqqutaasarput.

Attaveqaatit tutsuiginartuunissaat, tassalu piffissat ammaffiusut ingerlatsinerlu piffissap qanoq ilinera apeqqutaatillugu pisariaqartitanut, angalariaatsit allangornerinut inuiaqatigiillu katitigaanerinut naleqqussarsimanissaat pingaaruteqarpoq. Taamaalilluni mittarfinnik ingerlatsineq pitsangorsarneqarsinnaavoq, taamatullu timmisartuutileqatigiiffiit

angallavissanik piareersaasinjaapput pilersaarusiorsinnaallutillu, kiisalu tamanna pillugu pitsaasumik piffissaalluarallartillugulu attaveqaqatigiinnissamik qulakkeerisinnaassapput.

Aalajangiiffigisassatut siunnersuut manna Ineqarnermut, Sanaartornermut Attaveqaqatigiinnermullu Naalakkersuisup, Aningaasaqarnermut Aatsitassanullu Naalakkersuisup kiisalu Inuussutissarsiornermut, Suliffeqarnermut, Niuernermut Nunanullu Allanut Naalakkersuisup naalakkersuisoqarfiisa akornanni suleqatigiinnermik tunngaveqarpoq. Attaveqaqatigiinnikkut ineriartortitsinerup, immikkoortunut soqutigisaqartunullu attuumassutilinnut tamanut annertunerpaamik iluaqutaasumik ingerlasinnaanissaata qulakkeerneqarnissaa siunnerfigineqarpoq. Sammiviit soqutigisallu amerlasuut matumani pineqarput, aammalu aalajangiinerit angisuut annertuullu annertunerpaamik tunngaveqarluni pisinnaanissaat pingaaruteqarpoq.

Nunatsinni attaveqaqatigiinnerup maanna ilusiligaaneranut siunissamilu ilusilerneqarnissaanut isummernissaq pinngitsoorsinnajunnaarpalput. Ullumikkut attaveqaqatigiinneq pitsaanngitsoq akisorlu ingerlanneqarpoq, maannalu piffissanngorpoq ataatsimoorluta inuiaqatigiinni najukkatsinni nutaanik nutaliaasunillu, maannamut naleqqiullugu ilaasunik nassiussanillu apuuffissanut toqqaannartumik timmisartuussiviusinnaasunik pilersitsinissarput.

Aalajangiiffigisassatut siunnersuummi matumani aamma, Kalaallit Nunaannut timmisartunut ilaasunut silaannakkullu nassiussanut Kangerlussuup mittarfiata isaariatut pingaarnertut atorneqaannarnissaa kissaatigineqassappat, ukiut tulliuttut tallimaniit qulit ingerlanerini annertuumik aningaasaleqqitoqarnissamik pisariaqartitsinermik tunngassuteqarpoq.

Silaannkkut angallasseqatigiiffiit atortunik inuttanilu tulleriaarisarnerinut aningaasaliarnerinullu siunissamut ungasissumut suliniutit tunngavigineqartarput, tamannalu soorunami akisusarpoq. Taamaammat aalajangiiffigisassatut siunnersuutip matuma attaveqarnermut politikkip ingerlanneqarnerani aamma siunissamut ungasissumut aalajangiisarnerit tutsuiginassuserlu silaannakkut angallasseqatigiiffinnut aalajangiisuusarnerat tunngavigineqarput.

Taamaammat silaannakkut angallasseqatigiiffiit aammalu inuussutissarsiuitit allat mittarfiit siunissami ilusiligaanissaannut tunngatillugu nalunaaruteqartoqartannginera pissutigalugu sivisuumik utaqqisimapput. Utaqqisitsisoqarnerata nalaani avatangiiserisatsinni ornigassani allani amerlasuuni – minnerunngitsumik Islandimi – takornariaqarneq annertusiartorujussuarsimavoq. Annertuseriarneq tamanna, Kalaallit Nunaanni attaveqaatit naleqqutinnginnerat pissutigalugu maannamut pissarsiaqarfigineqanngilaq.

Mittarfeqarfiiit

Mittarfeqarfiiit mittarfinnut 13-inut aamma helikopterinut mittarfiit 46-nut, Kalaallit Nunaanni silaannakkut angallassinermi inuinnarnut attaveqaatinut tamarmiusunut akisussaasuupput. Ingerlatsinermi immikkoortut ilaat suliakkiussaapput. Mittarfeqarfiiit 450-it missaannik sulisoqarluni nunatsinni suliffeqarfiiit annerit ilagaat. Mittarfeqarfiiit Namminersorlutik Oqartussat ataanni suliffeqarfiiuvoq imminut ingerlattoq, taassumalu timmisartuutileqatigiiffiit, inuiaqatigiit kalaallit suliffeqarfiiillu namminersortut sullitissallugit suliassaraa. Mittarfeqarfiiit issaatitsivigisaat pingaernerit tassaapput ilaasunut mittarnermullu akitsuutit, aammalu Mittarfeqarfiiit ukiumut Nunap Karsianut akiliutai 13 mio. koruuningajaapput.

Mittarfeqarfiiit ingerlanneqarnerannut atatillugu suliat toqqaannartumik amigartooruteqarfiusut arlaqaraluartut, suliffeqarfiiup naatsorsuutai oqimaaqatigiippit. Mittarfiit 13-iusut helikoterinullu mittarfiit 46-uusut akornanni taperseeqatigiittarneq

annertuumik atorneqarpoq. Taamaattumik attaveqaatit silaannakkut angallannermut atorneqartut allannguiteqassappata, tamanna aningaasaqarnermut Mittarfeqarfiiullu ulluinnarni aqunneqarnerinut sunniuteqartussaavoq.

Mittarfiit ilusaannik ataqtigiaqqaagaannerannillu nutaamik ineriartortitsinermi taperseeqatigiittarnermut tamatumunnga tunngaviusut iluarsanneqarnissaat naleqqutissaq, mittarfinni helikopterinullu mittarfinni ataasiakkaani ingerlatsinermut aningaasaqarnerpiap ersarinnerulernissaanut, angallasseriatsumut tamarmiusumut minnerunngitsumillu akitsuutit akilersinneqartut bilitsit akiinut il.il. sunniuteqarnissaannut iluaqutaasunik pilersitsisoqarsinnaammatt. Taamatut iluarsassinermi ineriartortitsivissat, mittarfinni ulappuffiunerusuni, akitsuutit ilusaannik naleqqutinngitsunik ersarinngitsunillu pisinnaasanik tamakkiisunik piviusunngortitsinissamut akornuteqarsiusuni pigueqartutut naliliiffigineqartut naammassineqarsinnaapput.

Attaveqaatigiinnermut tunngatillugu suliniutaasuni, immikkoortoq 1-imi taaneqartuni tamani immikkut suliassanut niuernikkut pissusiulersinnaasunik nassuaasiortoqartussaavoq, taamatullu suliad akimorlugit ataatsimoortumik suliassanut niuernikkut pissusiulersinnaasunik nassuaasiortoqartussaalluni. Tamatumunnga atatillugu naatsorsutigineqartariaqarpoq, attaveqaatigiinnermut suliniummi suliad ataasiakkaat immikkut isigalugit niuernikkut imminut akilersinnaanngitsutut inisisimanissaat tunngavagineqarsinnaammatt, naak tassani suliad ataatsimut ataqtigiaqsumillu eqqarsaatigineqarnissaat, taamatullu saniatigut sunniutissat pissarsiassallu pitsaasut suliamut aalajangersimasumut tunngaviliinissaat eqqarsaatigineqarsinnaagaluartoq. Ataatsimut isigalugu attaveqaatigiinnermik ataqtigiaqsumik, nuna tamakkerlugu ataqtigiaqsumik pilersitsinissaq anguniagaavoq, attaveqaatigiinnermi suliniutit suliad ataasiakkaarlugit arlallit pineqaannaratik.

Immikkoortoq 1 Attaveqaatini suliassat

Piffisanut immikkoortumi siullermi attaveqarnermi suliassat arfinillit uku pilersaarusruiorneqassapput aallartinneqassallutillu (pingaarnersiuilluni tulleriaarneqanngitsut):

- Ittoqqortoormiit: Nunap immikkoortuan mittarfimmik sananeq.
- Tasiilaq: Imarpiup avannaani mittarfimmik sananeq.
- Qaqortoq: Imarpiup avannaani mittarfimmik sananeq.
- Nuuk: Mittarfiup nunani tamalaani mittarfinngorlugu tallineqarnera.
- Ilulissat: Mittarfiup nunani tamalaani mittarfinngorlugu tallineqarnera.
- Kangerlussuaq: Mittarfinnut aningaasaleeqqinnissamut pisariaqartitanik piorsaaqqinneaq paasuminarsaanerlu il.il.

Immikkoortoq 2 Attaveqaatini suliassat ingerlanissaannut pilersaarut

Piffissalersuinermi immikkoortumi siullermi suliassat suliarineqarnissaannut piffissaq tamarmiusoq ukiut arfineq marluk tikillugit sivisussuseqartussaavoq, mittarfinnik nutaarluinnarnik sananissaq sioqqullugu anorimik silamillu misissuinerit, ukiunik pingasuniit tallimanut sivisussuseqartussat ingerlanneqqaartariaqarmata.

Sumiiffik	2016	2017	2018	2019	2020	2021	2022
Ittoqqortoormiit	P	S	At				
Tasiilaq	M	M	M	M	P	S	At
Qaqortoq	P	S	S / At				
Nuuk	P	S	S / At				
Ilulissat	P	S	S	At			
Kangerlussuaq	M	Aa					

Note: P = Pilersaarusruiorneq. S = Sanaartorneq. At = Atuilerneq. M = Misissueqqaarneq. Aa = Aalajangiineq.

Ittoqqortoormiit eqqaanni nunap immikkoortuani mittarfimmik, kingusinnerusukkut tallineqarnissamut periarfissalimmik pilersaarusiortoqassaaq neqerooruteqartitsisoqassallunilu. Taamaalilluni talliliineq imminermini qanoq akeqassanersoq, aammalu suliassap ingerlanera pitsasuunersoq misilerarneqassaaq.

Qaqortumi Imarpiup avannaani mittarfiliornissamut pilersaarusiortoqassaaq. Tasiilami anorimik, silamik inissiffissamillu misissuereernerup kingorna Imarpiup avannaani mittarfiliornissamut pilersaarusiortoqassaaq.

Qaqortumi Tasiilamilu sumiiffinni pissutsit peqquataallutik timmisartunut ilaasartaatinut ungasiliartartunut alliliisoqarsinnaassanngilaq.

Nuummi Ilulissanilu nunani tamalaani timmisartunut, Europap annersaanut kiisalu USA-p kangiata sineriaata annersaanut taakkunangaaanniillu angalasartunut mittarfiliornissamut pilersaarusiortoqassaaq. Ilulissani sumiiffimmi pissutsit pissutaallutik mittarfiup inissisimaffiata allannguiteqarnissaa pisariaqartussaavoq, tamatuma malitsigisaanik mittarfiup kingusinnerusukkut timmisartunit ilaasartaatinit anginerpaanit, soorlu Kangianiit imaluunniit USA-p kitaata sineriaaniit angalasunit miffigineqarsinnaalersillugu tallileeqqinnissaq periarfissaqassaaq.

Maannarpiaq timmisartunut motoorinullu sukkasuulianut teknologiimik, kiisalu turbopropmaskiinanik annerusunik ineriertortitsineq annertuvoq. Tamatuma kingunerisaanik timmisartut sukkasoorsuullutilluunniit timmisinnaasut Imarpiup avannaani mittarfinnit sullinneqarsinnaalersussaapput, taamatullu maskiinat sukkasuuliat nalunaaquttap akunneri 2,5-it aamma 5-it atorlugit Amerikap avannaani Europamilu ornitassanut timmisinnaasut Nuummi Ilulissanilu nunani tamalaani timmisartunut mittarfinnit sullinneqarsinnaalersussaallutik.

Suliassat matuma siuliani taaneqartut ingerlanneqarnissaanut 2016-im 15 mio. koruunit, aammalu ukiuni missingersuusiorfiusuni tulliuttuni pingasuni tamani immikkut 15 mio. koruunit immikkoortinnejarnissaat siunnersuutigineqarpoq.

Suliassani ataasiakkaani aningaasaqarnermut paassisutissat pigineqaleriarpata, suliassat ingerlanneqassanersut qenorlu iluseqassanersut, aammalu piumasaqaatit suut atorneqassanersut politikkikkut aalajangiisoqassaaq. Aningaasaliinissamut tunngavissat marlunnut avitaasut tunngavigalugit suliassat ataasiakkaat tamarmik Inatsisartut Aningaasaqarnermut Akileraartarnermullu Ataatsimiitaliaannut saqqummiunneqassapput, Akiitsunut Aningaasaliisarnermullu Suliniutit naapertorlugit, taamatullu nunatsinni tamarmiusumi attaveqaatit ataatsimoortut ataqtatigiissullu eqqarsaatigalugit suliassat ingerlanissaannut nassuaat aalajangersimaoq atorlugu. Tamatuma kingorna sanaartugassat Aningaasanut Inatsimmut ilassutitut aningaasaliissutitut ilanngunneqassapput.

Ingerlatsinermut aningaasaqarnerinnaq eqqarsaatigalugu pingaaruteqarpoq eqqaamassallugu, assersuutigalugu Ittoqqortoormiini mittarfik imminermini iluanaarutaasinnaassanngimmat. Ulluinnarni ingerlatsinerinnaq aammalu aningaasaliissutinut erniortitsinerinnaq ukiumut 6 aamma 8 mio. koruunit akornanni naleqartussaavoq. Taakku ilaasunut mittarnermullu akitsuutinit isertitarineqarsinnaasunut nallersunneqassapput. Taamaattumik aningaasaliissutissat ilaat mittarfimmik sananermi aningaasartuutaesunik allanik, ullumikkut Mittarfeqarfinnit aamma Nunatta Karsianit, soorlu Nerlerit Inaata Ittoqqortoormiillu akornanni timmisartuussinermi kiffartuussinissamik isumaqatigiissut aqqtigalugu akilerneqartartunik unerartitsinikkut pissarsiarineqassapput.

Avatangiisirut sunniutissanik naliliineq (ASN)

Atortut ilaasa avatangiisirut sunniutaannik nalilersuineq aamma avatangiisirnik nakkutilliinermut akiiluitit pillugit Namminersorlutik Oqartussat nalunaarutaat nr. 5, 27. marts 2013-meersoq naapertorlugu sanaartukkat suussusaat, annertussusaat imaluunniit inissisimaffiat pissutigalugu avatangiisirut annertuumik sunniuteqartussatut naatsorsuutigineqartut ASN-imut nalunaarusiorneqartussapput. Avatangiisirnik sunniisarnermi sermimat, imermut, silaannarmut, issumut, qaqqamut, silap pissusianut, nunamut, uumasunut naasunullu, pigisanut, inuit peqqissusaannut kiisalu inuit sumiiffimmik atuinerannut sunniutissat eqqarsaatigineqarput.

Nalunaarummi § 5, imm. 3-mi allassimavoq, "Atortup nutaap pilersinneqarnissaa, kiisalu ilanngussaq 2-mi allassimasup atortooreersup allilerneqarnissaa imaluunniit allanngortinnejarnissaa sioqqullugu sanaartortitsisoq Avatangiisirut Naalakkersuisumut allakkatigut nalunaaruteqassaaq". Ilanngussaq 2-mi allassimapput,

- imm. 1a-p ataani – mittarfiit tingisarfillit mittarfillillu, aamma
- imm. 1d-p ataani – asimi katillugit 2000 m-it sinnerlugit takissusilimmik aqquserniornissamik eqqarsaateqarneq.

Allakkatigut nalunaarut pissutsinut ukununnga ersarissumik nassuiaatinik imaqassaaq:

1. Sanaartukkap suussusia
2. Sanaartukkap inissisimaffia
3. Avatangiisirut sunniutaasinnaasunut ilisarnaatit
4. Sanaartukkami aalajangersimasumi pissutsit allat, avatangiisirut annertuumik sunniuteqarsinnaasutut ilimagineqarsinnaasut.

Allakkatigut nalunaarut tunngavigalugu ASN-imut nalunaarummik suliaqartoqassanersoq isummertoqassaaq.

Immikkoortoq 3 Aningaasalersuinissamut najoqqutassat

Attaveqaatini suliassanut aningaasalersuinermi Akiitsunut Aningaasaliisarnermullu Suliniutit, Namminersorlutik Oqartussat akiitsortarnerinut sinaakkutissanik aalajangersaaffiusut tunngavissiisullu naapertorlugin suliniutit ingerlanneqartariaqarput.

Aningaasaliisarnermi aningaasalersueriaatsit pingarnerit tunngaviliisut marluupput, tassalu nammineerluni aningaasaatit atorlugit aningaasalersuisarneq (nammineerluni aningaasaliisarneq) imalunniit avataanit aningaasaliisarneq, nalinginnaasumik taarsigassarsinikkut, imaluunniit pisortat namminersortullu suleqatigiinnissaannik isumaqatigiissusiornikkut (OPP) pisartoq.

Ilimagineqarpoq, ukiuni tulliuttuni arfineq marlunniit qulit tungaanut aningaasanut inatsit aqutigalugu nammineq aningaasalersuinissamut aningaasat 75-100 mio. koruunit pingarnersiuilluni tulleriaarinermi ilanngunneqartarumaartut.

Tassalu suliassanut aalajangersimasunut aningaasalersuinissap inissinniarneqarneranut atatillugu Suliassami aningaasalersuinissamut periarfissat aalajangersimasut, kiisalu aningaasalersueriaatsinik arlalinnik kattussisinnaanermut periarfissaasinnaasut isummerfigineqartussaapput.

Pisortat / namminersortut suleqatigiinnissaannut isumaqatigiissusiorneq aningaasaleerusussusilinnit aningaasaliissutissanik pissarsisinnaanissamut periarfissiivoq, misissuilluarnermik aallaaveqartariaqartoq. Soorunami OPP aallaavigineqassappat suleqatigiit akornanni atugassarititaalersussat akuersaarneqarsinnaasuussapput. Ernianut tunngatillugu piumasaqaatit misissorluarneqassapput, taamatuttaaq pituttuisuusumik

isumaqatigiissutigiumaarneqartussap sivisussussusissa, annaasaqaratarsinnaanermi avitseqatigiinnissaq qanoq ittuussanersoq, aammalu suliniummut atatillugu immikkullarissunik piumasaqaateqartoqarsinnaanera ilanngullugu misissorluarneqartariaqarput.

Tamatuma saniatigut ingerlatseqatigiiffinnik, Namminersorlutik Oqartussanit pigneqartunik imaluunniit suliffeqarfinnik imminnut ingerlattunik, Namminersorlutik Oqartussat toqqaannartumik toqqaannanngitsumilluunniit taarsigassarsitsivigaannik pilersitsinissaq periarfissaavoq. Taamaalilluni attaveqaatinut tamarmiusunut naleeqiullugu erniat appasinnerusut aaqqiisinnaanerlu annertunerusoq iluaqtigineqassapput. Namminersorlutik Oqartussat suliassat ingerlanneqarnissaannut pitsaanerusunut pitsaannginnerusunullu annaasaqataasinnaasunik (pissarsiassanillu tamarmiusunik) tamanik tigusinissaat akornutaasinnaavoq.

Tamakku innersuussutigalugit mittarfinnut ataasiakkaanut aningaasaliinermi naliliisoqartariaqarpoq,

- aningaasaliineq ingerlatsinermut aningaasartuutit aqqutigalugit iluanaaruteqarfiusussaanersoq. Tassalu aningaasaliissutit ingerlatsinermut aningaasaqarnikkut iluanaaruteqarfiusinnaanersut.
- aningaasaliineq ingerlatsinermut aningaasartuutinut tamarmiusunut matussusiinissamut naammanngitsunik pissarsiaqarfiunersoq, kisiannili aningaasaliinermi ingerlatsinermut aningaasaqarnermi amigartoorutaasut amerlaqataannik amerlanerusunilluunniit tapiissuteqartoqarnissaa imaluunniit tapersiissuteqartoqarnissaa pinngitsoortinneqarsinnaalluni. Taamaattoqartillugu aningaasaliissutit inuiaqatigiit aningaasaqarnerat eqqarsaatigalugu suliat ingerlanissaannut sinneqartoortitsisussaapput.
- aningaasaliineq ingerlatsinermut aningaasartuutinut tamarmiusunut matussusiinissamut naammanngitsunik pissarsiaqarfiunersoq, kisiannili aningaasaliinermi tapiissuteqartoqarnissaa imaluunniit tapersiissuteqartoqarnissaa pinngitsoortinneqarsinnaani. Tassalu aningaasaliissutit nammakkiissapput, inuiaqatigiinni ingerlatsinermiluunniit aningaasaqarnermut iluanaarutaasussaannginnamik.

--oo0oo--

Aalajangiiffigisassatut siunnersuutip matuma akuerineqarnerani suliassat amerlanerusut aallartinneqassapput.

- Ineqarnermut, Sanaartornermut Attaveqaqatigiinnermullu Naalakkersuisup 2016-ip aallartinnerani suliassanik ataasiakkaanik aallartitsinissamut uppernarsaatissanut aalajangiinissamut tunngavissat tamakkiisut pissarsiarineqarnissaat siunertaralugu mittarfinnik matuma siuliani allaaserineqartutut pilersaarusrusorneq aallartissavaa.
- Pilersaarusrionissamut tunngavissanik, kommunini pilersaarutinut tapiliussatut ilusilikkanik suliaqartoqarnissaa pillugu kommuninut qinnuteqartoqassaaq.
- Atortut ilaasa avatangiisirut sunniutaannik nalilersuineq aamma avatangisinknakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2013-meersoq naapertorlugu allakkatigut nalunaarusiortoqassaaq.
- Periarfissanik atugassaritaasunillu misissuinissaq siunertaralugu aningaasaliisinjaasunut attaveqartoqassaaq.

UPA 2016-imi taamatullu UKA 2016-imi killifinnut nalunaarutit naatsut agguanneqassapput.

Pisortanut aningaasaqarnermut allaffissornermullu sunniutissat.

Attaveqaqatigiinneq tutsuiginartoq, pissutsinut naleqquttoq ataqtigisiissorlu, ullumikkornit annertunerusumik nunamik tamarmiusumik ataqtigissitsisussaq pilersinneqassasoq Naalakkersuisut kissaatigaat. Tamanna naammassisqarsinnaalluartumik aammalu pitsasumik uummaarissumillu ineriertitsinermut tapertaassaaq, tamannalu naggataagut pisortanut annertuumik iluaqtissiissaq.

Inuussutissarsiortunut namminersortunut aningaasaqarnermut allaffissornermullu sunniutissat.

Attaveqaqatigiinnermik annertusaanissap aallartinneqarnissa Naalakkersuisut kissaatigaat, tamanna nalinginnaasumik inuussutissarsiortnerup pingartumillu takornariaqarnermik inuussutissarsiortnerup iluani ineriertitsinermut tapertaalluassamat . Inuussutissarsiortut attaveqaatinik naleqquttunik pitsasunillu pinngitsuuisinnaanatillu pisariaqartitsipput.

Innuttaasunut aningaasaqarnermut allaffissornermullu sunniutissat.

Innuttatta naleqqunnerusumik naapertuunnerusumillu angalasinnaalernissaat Naalakkersuisut sulissutiginiarpaat. Tamatuma peqatigisaanik innuttaasunut iluaqtissatut naatsorsuutigineqartunik unammillernerup annertunerulernissaanut periarfissanik pilersitsinissaq, aammalu akit ilusaannik allanguinissaq Naalakkersuisut kissaatigaat.